



**PRAVILNIK O REGISTRU DOMAĆIH I  
MEĐUNARODNIH ČASOPISA I ZBORNIKA RADOVA  
SA NAUČNIH SKUPOVA UNIVERZITETA "DŽEMAL  
BIJEDIĆ" U MOSTARU**

Mostar, decembar 2013. godine

Na osnovu člana 72. Statuta Univerziteta "Džemal Bijedić" u Mostaru, Senat Univerziteta "Džemal Bijedić" u Mostaru na svojoj 20. sjednici održanoj 26.12.2013. godine, donio je

# **PRAVILNIK**

## **O REGISTRU DOMAĆIH I MEĐUNARODNIH ČASOPISA I ZBORNIKA RADOVA SA NAUČNIH SKUPOVA UNIVERZITETA "DŽEMAL BIJEDIĆ" U MOSTARU**

### **DIO PRVI - OPŠTE ODREDBE**

#### **Član 1.**

##### **(Predmet Pravilnika)**

Ovim Pravilnikom uređuje se način formiranja i vođenja Registra domaćih i međunarodnih časopisa i zbornika radova sa naučnih skupova (serijskih publikacija) Univerziteta (u daljnjem tekstu: Registar), te kriteriji registracije.

#### **Član 2.**

##### **(Serijska publikacija)**

- (1) Pod serijskom publikacijom podrazumijeva se svaka publikacija koja izlazi u određenom broju svezaka ili brojeva, redovno u određenim vremenskim periodima.
- (2) U serijske publikacije ubrajaju se sve vrste novina, časopisa, zbornika radova i zbornika radova s konferencija, simpozija, kongresa, okruglih stolova i sl., a koji se redovno održavaju u određenom vremenskom periodu.
- (3) Svaka serijska publikacija prepoznaje se po svom ISSN broju (eng. International Standard Serial Number), odnosno po međunarodno prihvatljivom kodu koji omogućava identifikaciju svake serijske publikacije neovisno o jeziku ili zemlji u kojoj je publikacija objavljena.

#### **Član 3.**

##### **(Registar časopisa i zbornika radova sa naučnih skupova)**

Registar domaćih i međunarodnih časopisa i zbornika radova sa naučnih skupova Univerziteta, vodi i održava Univerzitetska biblioteka i čini ga javno dostupnim preko univerzitetske web stranice.

#### **Član 4.**

##### **(Registrowanje časopisa i zbornika radova sa naučnih skupova)**

- (1) Prijedlog da se određeni časopis i zbornik radova sa naučnih skupova registruje u Registru Univerziteta daje naučno-nastavno vijeće fakulteta.
- (2) Uz prijedlog naučno-nastavno vijeće fakulteta prilaže odgovarajuću dokumentaciju (kopiju impresuma i naslovne strane predložene publikacije, te kopiju najmanje jednog članka), te pismeno potvrđuju da predloženi časopis i zbornik radova sa naučnih skupova ispunjava kriterije ovog Pravilnika.
- (3) Senat, najmanje jednom godišnje daje saglasnost za ažuriranje Registara, odnosno utvrđuje da li predloženi časopis i zbornik radova sa naučnih skupova ispunjavaju kriterije ovog Pravilnika, te u skladu s tim donosi odluke o registrowanju predloženih časopisa i zbornika radova sa naučnih skupova u Registar.
- (4) U Registru se mogu registrowati samo oni časopisi i zbornici radova sa naučnih skupova koje ispunjavaju kriterije utvrđene u članu 5. i 6. ovoga Pravilnika.

### **DIO DRUGI – KRITERIJI REGISTRACIJE**

#### **Član 5.**

##### **(Kriteriji registracije)**

U Registar se mogu registrowati serijske publikacije koje ispunjavaju međunarodne izdavačke standarde, odnosno serijske publikacije koje ispunjavaju slijedeće kriterije:

- a. Pravovremenost izlaženja (serijska publikacija mora izlaziti redovno i u skladu s frekvencijom izlaženja koja je u njemu naznačena);
- b. Poštovanje međunarodnih izdavačkih konvencija, a posebno:
  - Publikacija mora da ima informativan naziv koji treba jasno upućivati na sadržaj publikacije;
  - Svaki članak mora imati normirane i u potpunosti navedene bibliografske informacije za sve citirane reference, odnosno bibliografiju i standardizirano navođenje citata;
  - Svaki članak treba da je recenziran.
- c. Impresum serijske publikacije mora sadržavati osnovne podatke o publikaciji, a posebno naslov publikacije, ISSN broj, godina izdavanja, godište izlaženja, broj tekućeg sveska, mjesto izdavanja, naziv izdavača, sastav i adresa uredništva, te podatak o učestalosti izlaženja;
- d. Međunarodni ugled i karakter, odnosno, da u sastavu uredništva ima najmanje  $\frac{1}{3}$  članova izvan Bosne i Hercegovine, kao i da je najmanje  $\frac{1}{3}$  recenzenata izvan Bosne i Hercegovine;
- e. Recenzirani radovi, odnosno radove u serijskoj publikaciji recenziraju najmanje (2) dva recenzenta koja nisu iz iste institucije.

## **Član 6.**

### **(Posebni kriteriji registracije publikacija s konferencija, simpozija, kongresa, itd.)**

Serijske publikacije konferencija, simpozija, kongresa i ostalih sličnih skupova, da bi bile registrovane u Registar, pored kriterija iz člana 5., moraju ispunjavati i slijedeće posebne kriterije:

- a. Zbornik radova mora dolaziti s tradicionalne (godišnje, dvogodišnje) konferencije koja je održana više od tri puta zaredom i u kojem su objavljeni radovi u punom obimu u štampanoj i/li elektronskoj formi;
- b. Svaki rad u zborniku koji je objavljen na jezicima naroda u Bosni i Hercegovini mora pratiti sažetak rada na najmanje jednom stranom jeziku;
- c. Naučni odbor skupa u svom sastavu mora imati najmanje  $\frac{1}{3}$  članova izvan Bosne i Hercegovine;
- d. Na listi recenzenata skupa najmanje  $\frac{1}{3}$  članova mora biti izvan Bosne i Hercegovine;
- e. Radove u zborniku recenziraju najmanje (2) dva recenzenta koja nisu iz iste institucije;
- f. zbornik radova mora biti katalogiziran prema međunarodnim i domaćim katalogoškim standardima u nacionalnoj biblioteci zemlje u kojoj se održava skup (ISSN broj).

## **Član 7.**

### **(Dužina registracije)**

- (1) Registrovana serijska publikacija u sastavu Registra nalazi se najviše godinu dana od dana registrovanja, a nakog toga se automatski briše iz sastava Registra.
- (2) Ponovno registrovanje serijske publikacije provodi se u skladu s članom 4. ovoga Pravilnika.

## **DIO TREĆI - PRIJELAZNE I ZAVRŠNE ODREDBE**

## **Član 8.**

### **(Donošenje Pravilnika)**

- (1) Ovaj Pravilnik donosi Senat Univerziteta.
- (2) Izmjene i dopune Pravilnika vrše se po potrebi i na način istovjetan njegovom donošenju.

## **Član 9.**

### **(Nadzor nad provedbom)**

Nadzor nad provedbom ovog Pravilnika vrši Senat Univerziteta i Prorektor za nauku i naučnoistraživački rad.

## **Član 10.**

### **(Tumačenje Pravilnika)**

Tumačenje ovog Pravilnika daje Senat Univerziteta. i Prorektor za nauku i naučnoistraživački rad.

## **Član 11.**

**(Stupanje na snagu Pravilnika)**

Ovaj Pravilnik stupa na snagu danom donošenja, a primjenjivati će se u postupku izbora nastavnika i saradnika u odgovarajuća zvanja.

**Predsjedavajući Senata  
Univerziteta "Džemal Bijedić" u Mostaru**

**Broj: 101-1- 1143-1/13**

prof. dr. Sead Pašić, rektor